



Inatsisartunut ilaasortaq Jens Jens Napätök', Naleraq

## **Inummut killiffik pillugu § 37 naapertorlugu apeqquteqaatip nr.75-ip akineqarnera**

Asasara Jens Napätök'

Inatsisartut suleriaasianni § 37 naapertorlugu isumaqatigiissutit pillugit Naalakkersuisut kalaallit inummut killiffiat pillugu misissuinissamut periarfissaqarnersut. Apeqqutigisatit uannut akisassanngortinneqarsimapput. Apeqqutigineqartut tullinnguuttuni atasiakkaarlugit uteqqinneqarput akiortorneqarlutillu.

- 1. Sermitsiaq.AG ulloq 23. marts allaaserisami ersepoq Kalaallit Nunaata uppernarsarsinnaanngikkaa inuk Kalaallit Nunaanersoq tassasoq Inuk Tamatumunnga suna pissutaava?**
  - a) Naalakkersuisut pineqartooq pillugu aaqqiissuteqarniarpat?**

Akissut: Inuiaassuseq naapertorlugu immikkoortitsinermi imaluunniit assigiinngisitsinermi Europami Inuit Pisinnaatitaaffii pillugit Isumaqatigiissummi (EMRK) 1950-imeersumi, kingorna Kalaallit Nunaannut ilanngunneqartumi, takuuk Kalaallit Nunaannut atuuttussanngortinnissaa pillugu peqqussut nr. 814, 18. september 2001-imeersoq, atuutinneqartarpoq. EMRK-mit aalajangersakkami artikeli 14 naapertorlugu ilaatigut inuiaassuseq naapertorlugu immikkoortitsineq inerteqqutaavoq. Massakkut Naalakkersuisut tungaanniit kalaallinik nunap inoqqaavisut uppernarsaasoqarnissaanut periarfissaqartoqanngilaq imal. piviusut tunngavigalugit periarfissaqartoqarnani, taamaattoqassappammi Kalaallit Nunaani innuttaasunik toqqaanartumik toqqaanangitsumilluunniit inuiaasusermik imal. ilaqutariiususermik tunngaveqarluni immikkoortitsisoqalissammat.

Naalakkersuisut Kalaallit Nunaani nunat inoqqaavi pillugit nunani tamalaani isumaqatigiissutini unioqqutsitsinngittunik nunanilu allani pissutsinik aaqqiissutaasinnaasutut akuerineqartunik ugartuerusupput.

## **2. Pineqartooq ILO-imi isumaqatigiissut 169 naapertorlugu qanoq illersugaava?**

Akissut: ILO-isumaqatigiissut nr.169 nunat inoqqaavinik naggueqatigiivinillu naalagaaffinni namminersortuniittunik illersuisuupput, taamaattumik ILO-isumaqatigiissutit ataani illersukkat nunani namminersortuni pissutsinut attuumassuteqarpoq, matumanilu Kunneqarfik Danmark pineqarpoq nunallu inoqqaavi imal. Inuit Kalaallit Nunaaniittut. Pisumi uani nunami allami ilinriarfik inuiaasusermik uppernarsaasoqarnissaanik piumasaqarsimavoq Inuillu ILO-isumaqatigiissummi nr.169. tunngaviusumik illersorneqarsinnaanani. Akissut apeqqummi siuller-miittoq aamma takuuk.

**3. ILO-isumaqatigiissut 169 Danmarkip akuerinikuuaa?**

**a) Akuerinikuuppagu suna pequtaava?**

Akissut: Aap, Danmarkip ulloq 18. januar 1996 ILO-isumaqatigiissut nr.196 atortus-sanngortippaa, tassungalu atatillugu danskit naalakkersuisa Namminersornerullutik Oqartussaniit nalunaarummik ilaatigut ima tunngavilerneqartumik ilanngussipput; "*Kunngeqarfimmi Danmark-imi inuiannik ataasiinnarnik peqarpoq isumaqatigiissutip 169<sup>[11]</sup><sub>SEP</sub> isumaani pineqartunik. Taakkua tassaapput Kalaallit Nunaanni nunap inoqqaavi, imaluunniit Inuit.*"

**4. Kinaassuserput kalaaliunerput (inuk) uppersarsinnaannginngikkupput aporfigineqarnera uani takutinneqaqqittoq Naalakkersuisut qanoq pilersaaruteqarpat iliuseqarnissaminnut aaqiissuteqarnissaminnut?**

Akissut: Apeqqut 1-imut akissut takuuk.

Inussiarnersumik inuulluaqqusillunga



Vivian Motzfeldt

Nunanut Allanut, Inuussutissarsiornermut Niuernermullu Naalakkersuisoq